



SLUŽBENI GLASNIK

OPĆINE ZAVIDOVIĆI

Broj: **1** • Datum: 03.02.2016.

IZDAVAČ: Kabinet Općinskog načelnika
REDAKCIJSKI KOLEGIJ: PINJIĆ SAMIRA - Odgovorni urednik
AVDIĆ BESIM - član
AVDIČEVIĆ BELMIN - član

I – AKTI OPĆINSKOG VIJEĆA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-194/16-AP-5
Datum, 29.1.2016 godine

Na osnovu člana 66. Zakona o građevinskom zemljištu Federacije BiH ("Službene novine Federacije BiH", broj 67/05) i člana 25. Statuta općine Zavidovići ("Službeni glasnik općine Zavidovići", broj 5/08 i 5/a/08), Općinsko vijeće Zavidovići je na 37. sjednici održanoj dana 29.01.2016.godine, donijelo

ODLUKU

o utvrđivanju prosječne konačne građevinske cijene m² korisne stambene površine na području općine Zavidovići za 2016. godinu

Član 1.

Utvrđuje se prosječna konačna građevinska cijena m² korisne stambene površine na području općine Zavidovići za 2016. godinu u iznosu od 548,00 KM.

Član 2.

Ova odluka stupa na snagu prvog narednog dana od dana objavljivanja u „Službenom glasniku općine Zavidovići“, a primjenjivat će se od 01.01.2016. godine.

**PREDSJEDAVAJUĆA
OPĆINSKOG VIJEĆA**

(M.P.) Hadžić dr Amira, spec. radiolog, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-14-195/16-AP-5
Datum, 29.1.2016 godine

Na osnovu člana 31. stav 1. tačka 1. Zakona o principima lokalne samouprave ("Službene novine F BiH" broj: 49/06 i 51/09), člana 86. Statuta općine Zavidovići ("Službeni glasnik općine Zavidovići", broj 5/08 i 5a/08) i člana 30. Odluke o izvršavanju Budžeta općine Zavidovići za 2016. godinu („Službeni glasnik općine Zavidovići“, broj: 11/15), Općinsko vijeće Zavidovići na 37. sjednici od 29.01.2016.godine, donijelo je

ODLUKU

o raspodjeli sredstava za redovnu djelatnost
mjesnih zajednica u 2016.godini

Član 1.

Odlukom o rasporedu sredstava za redovnu djelatnost mjesnih zajednica u 2016.godini (u daljem tekstu: Odluka) utvrđuju se ukupna sredstva i način raspodjele sredstava za rad mjesnih zajednica u 2016.godini.

Ukupna sredstva u 2016.godini utvrđuju se u iznosu od 100.000,00 KM.

Član 2.

Sredstva iz člana 1. stav 2. Odluke raspoređuje se mjesnim zajednicama na slijedeći način:

- 30% linearno i
- 70% prema broju stanovnika.

Raspored sredstava po mjesnim zajednicama, na osnovu elemenata iz stava 1. ovog člana, sastavni je dio ove Odluke.

Član 3.

Iz raspoređenih sredstava finansirati će se redovan rad i aktivnosti mjesnih zajednica.

Sredstva za ove namjene doznačavati će se na osnovu finansijskog plana svake mjesne zajednice, mjesečnog plana raspodjele i izvještaja o realizaciji istog za prethodni mjesec.

Član 4.

Izuzetno od prethodnog člana, isplata sredstava se može vršiti u drugačijim iznosima, drugačijoj dinamici ili u jednokratnom iznosu u okviru planiranih sredstava za svaku mjesnu zajednicu utvrđenu rasporedom na osnovu akata Općinskog načelnika, a na osnovu zahtjeva mjesne zajednice u slučajevima zbog ranije nastalih finansijskih obaveza koje su dovele ili mogu dovesti do blokada transakcijskog računa mjesne zajednice.

- 3 -

Član 5.

U slučaju formiranja novih mjesnih zajednica, vršiti će se preraspodjela u okviru planiranih sredstava za finansiranje mjesnih zajednica u Budžetu općine Zavidovići za 2016.godinu.

Član 6.

Ukoliko ne dođe do planirane realizacije sredstava u Budžetu općine Zavidovići, doznačavati će se sredstva umanjena procentualno izvršenju Budžeta.

Član 7.

Ova Odluka stupa na snagu prvog narednog dana od dana objavljivanja u "Službenom glasniku općine Zavidovići", a primjenjivati će se od 01.01.2016.godine.

PREDSJEDAVAJUĆA
OPĆINSKOG VIJEĆA

(M.P.) Hadžić dr Amira, spec. radiolog, s.r.

BOSNA I HERCEGOVINA
 FEDERACIJA BOSNE I HERCEGOVINE
 ZENIČKO-DOBOJSKI KANTON
 OPĆINA ZAVIDOVIĆI
 OPĆINSKO VIJEĆE



Prilog

RASPODJELA SREDSTAVA ZA RAD MJESNIH ZAJEDNICA U 2016.GODINI
 (član 2. Odluke)

RB	MJESNA ZAJEDNICA	LINEARNO	PO BROJU STANOVNIKA	UKUPNO
1.	ASIM ČAMDŽIĆ	1.428,57	8.060,84	9.489,41
2.	KLEK	1.428,57	9.582,00	11.010,57
3.	BRANIOCI GRADA	1.428,57	7.227,36	8.655,93
4.	DUBRAVICA	1.428,57	1.899,61	3.328,18
5.	DOLINA-ALIĆI	1.428,57	2.149,95	3.578,52
6.	PAŠIN KONAK	1.428,57	5.513,30	6.941,87
7.	MEČEVIĆI	1.428,57	2.292,79	3.721,36
8.	VOZUČA	1.428,57	3.467,90	4.896,47
9.	RIBNICA	1.428,57	2.020,36	3.448,93
10.	MAOČA	1.428,57	715,67	2.144,24
11.	RUJNICA	1.428,57	3.747,69	5.176,26
12.	KOVAČI	1.428,57	7.068,32	8.496,89
13.	BREŽIK	1.428,57	3.092,39	4.520,96
14.	KRIVAJA-SMAILBAŠIĆI	1.428,57	1.423,97	2.852,54
15.	GOSTOVIĆ	1.428,57	5.118,65	6.547,22
16.	DONJI GOSTOVIĆ	1.428,57	1.980,60	3.409,17
17.	LOVNICA	1.428,57	2.169,09	3.597,66
18.	MAHOJE	1.428,57	652,35	2.080,92
19.	DOLAC	1.428,57	244,45	1.673,02
20.	STIPOVIĆI	1.428,57	910,05	2.338,62
21.	KRIVAJA	1.428,60	662,66	2.091,26
	UKUPNO	30.000,00	70.000,00	100.000,00

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-31-245/16-AP-4
Datum, 29.1.2016 godine

Na osnovu člana 24. Zakona o građevinskom zemljištu Federacije Bosne i Hercegovine ("Službene novine Federacije BiH", broj 67/05) i člana 25. Statuta Općine Zavidovići ("Službeni glasnik Općine Zavidovići", broj: broj: 5/08 i 5a/08), Općinsko vijeće Zavidovići, rješavajući u predmetu preuzimanja neizgrađenog gradskog građevinskog zemljišta, na 37. sjednici održanoj 29.01.2016. godine, d o n i j e l o j e

R J E Š E N J E

1. Preuzima se iz posjeda IP "Krivaja" d.o.o. u Stečaju neizgrađeno gradsko građevinsko zemljište označeno sa k.č. 1276/35 zv. "27. Udarne divizija" pov. 2879 m², upisana u P.L. 1106 k.o. Zavidovići, radi privođenja zemljišta trajnoj namjeni.
2. Po pravosnažnosti ovog rješenja u zemljišnim i katastarskim knjigama zemljište označeno u tački 1. ovog rješenja brisat će se sa dosadašnjeg nosioca prava korištenja i upisat u korist Općine Zavidovići, sa dijelom 1/1.
3. Za preuzeto zemljište iz tačke 1. ovog rješenja nosiocu prava korištenja ne pripada pravo na naknadu, te se postupak određivanja naknade neće posebno provoditi.

O b r a z l o ž e n j e

Službi za upravu geodetskih, imovinsko pravnih poslova i urbanizma općine Zavidovići podnešen je zahtjev za rješavanje imovinsko pravnih odnosa od strane Općinskog pravobranilaštva Zavidovići broj: R-40/15 od 28.12.2015. godine na parceli označenoj sa k.č. 1276/35 zv. "27. Udarne divizija" pov. 2879 m², upisana u P.L. 1106 k.o. Zavidovići, a u svrhu privođenja zemljišta trajnoj namjeni u skladu sa Regulacinim planom "Centar I" Zavidovići, kojim je planirana izgradnja gradske Ulice "Mehmed paše Sokolovića".

U postupku koji je prethodio donošenju ovog rješenja saslušan je punomoćnik IP "Krivaja" d.o.o. u Stečaju koji je na zapisnik kod Službe za upravu geodetskih, imovinsko-pravnih poslova i urbanizma izjavio da je Odbor povjerenika IP "Krivaja" d.o.o. u Stečaju na sjednici koja je održana dana 15.01.2016. godine donio odluku o davanju saglasnosti stečajnom upravniku da pristane na preuzimanje zemljišta uz naknadu prema odredbama člana 69. Zakona o građevinskom zemljištu.

Odredbom člana 20 stav 2. Zakona o građevinskom zemljištu propisano je : "Ranijim vlasnikom neizgrađenog gradskog građevinskog zemljišta koje je državna svojina, smatra se:
-lice koje je u vrijeme prelaska građevinskog zemljišta u društvenu, sada državnu svojinu, imalo uknjiženo pravo svojine u katastru nekretnina, odnosno u zemljišnim knjigama;
-lice za koje se utvrdi da je bilo vlasnik u vrijeme prelaska građevinskog zemljišta u društvenu, sada državnu svojinu;

-lice na koje je raniji vlasnik do dana prelaska građevinskog zemljišta u društvenu, sada državnu svojinu prenio pravo korišćenja građevinskog zemljišta na osnovu ugovora na kome su pravovaljani potpisi ovjereni od nadležnog organa ili ako je ugovorena cijena isplaćena preko banke, odnosno putem pošte, ili ako je sticalac plaćao porez, odnosno doprinos za to zemljište.”

Odredbom člana 69. istog zakona propisano je: “ Raniji vlasnik neizgrađenog gradskog građevinskog zemljišta koje je preuzeto iz njegovog posjeda ima pravo na naknadu.

Raniji vlasnik neizgrađenog gradskog građevinskog zemljišta, odnosno njegov pravni sljednik stiče pravo na naknadu po pravosnažnosti rješenja o preuzimanju, odnosno nakon davanja izjave o predaji zemljišta općini odnosno gradu.

Naknadu za preuzeto zemljište plaća općina na čijem se području nalazi zemljište.

Naknada se određuje prema odredbama Zakona o eksproprijaciji.”

Kako je u postupku utvrđeno da je zemljište označeno sa k.č. 1276 (osnovna parcela od koje je nastala parcela 1276/35), Rješenjem Skupštine opštine Zavidovići broj: 01-475-30 od 18.11.1985. godine bilo ustupljeno tadašnjem SOUR-u “Krivaja” RO “građevinarstvo” u svrhu izgradnje stambeno poslovnog naselja “Centar” bez naknade, te kako IP “Krivaja” d.o.o. u Stečajju nije vlasnik predmetnog zemljišta u smislu citiranog člana 20. stav 2. Zakona o građevinskom zemljištu, već je samo nosilac prava korištenja na istom, to ista nema pravo na naknadu u skladu sa članom 69. Zakona o građevinskom zemljištu, pa je odlučeno kao u tački 3. dispozitiva ovog rješenja.

Imajući u vidu da se preuzimanje neizgrađenog gradskog građevinskog zemljišta iz posjeda IP “Krivaja” d.o.o. u Stečajju vrši radi privođenja zemljišta trajnoj namjeni u skladu sa Regulacionim planom “Centar I” Zavidovići u svrhu izgradnje gradske Ulice “Mehmed paše Sokolovića”, to je u smislu člana 24. Zakona o građevinskom zemljištu odlučeno kao u dispozitivu rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe Kantonalnom sudu u Zenici, u roku od 30 dana od dana dostavljanja rješenja. Tužba se podnosi neposredno sudu u dva primjerka.

**PREDSJEDAVAJUĆA
OPĆINSKOG VIJEĆA**

(M.P.) Hadžić dr Amira, spec. radiolog, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-27-193/16-AP-3
Datum, 29.1.2016 godine

Na osnovu člana 106. Poslovnika o radu Općinskog vijeća Zavidovići («Službeni glasnik općine Zavidovići», broj 7/14 – prečišćeni tekst i 9/14), Općinsko vijeće Zavidovići na 37. sjednici od 29.01.2016. godine, razmatralo je Informaciju o stanju regionalnih cesta na području općine Zavidovići, pa nakon rasprave donijelo

Z A K L J U Č A K

1. Općinsko vijeće Zavidovići usvaja Informaciju o stanju regionalnih cesta na području općine Zavidovići, sa prijedlogom mjera:

a) Tražiti od upravitelja regionalnih cesta da se izvrši totalna rekonstrukcija dijela ceste R- 467 kroz naselje Roma, u dužini od najmanje 800 m, proširenjem za jednu saobraćajnu traku koja bi se uz naselje fizički odvojila zaštitnom ogradom od regionalne ceste, sa jednosmjernim saobraćajem, te izgradnjom trotoara, sa obostranom zaštitnom ogradom.

b) Strategiju razvoja i održavanja regionalnih cesta, definisanu u Prostornom planu Kantona, obuhvatiti predstojećim Prostornim planom općine.

c) Na osnovu analize postojećeg intenziteta saobraćaja kroz grad, definisati zadovoljavajuće karakteristike ulica i isto obuhvatiti izmjenom i dopunom Urbanističkog plana grada.

d) Tražiti od upravitelja regionalnih cesta da se pristupi izradi projektne dokumentacije za rekonstrukciju pojedinih regionalnih pravaca i dionica zbog zadovoljavanja saobraćajnih karakteristika za postojeći i očekivani porast intenziteta saobraćaja na dionici: kroz grad, dionica Zavidovići-Gostović i Zavidovići-Vozuća.

e) Tražiti od upravitelja regionalnih cesta da se pristupi izradi projektne dokumentacije za izgradnju trotoara u svim naseljenim mjestima duž regionalnih cesta zbog bezbjednosti pješaka, s obaveznim povećanjem širine saobraćajne trake za višu kategoriju ceste. Za potrebu izgradnje trotoara predložiti prioritete kao što su lokacije: Naselje Roma, Dolovi, druga strana Ul. Zlatnih Ljiljana, Ul. Jusufa Polića Ribara, Poljice, 4. km-Kovači, Sinanovići, Gostović, Vozuća, Ribnica, Mećevići, Dolac, itd.

f) Poduzeti aktivnosti kod nadležne Direkcije i Ministarstva za kvalitetnije redovno održavanje regionalnih cesta, naročito po pitanju sanacije kolovoza, postavljanju kompletne nedostajuće vertikalne signalizacije i redovnije obnove horizontalne saobraćajne signalizacije.

g) Tražiti od upravitelja regionalnih cesta da se poduzmu aktivnosti na postavljanju saobraćajnih znakova dozvoljenog opterećenja na osnovu projektne dokumentacije i konkretnog stanja mosta, zatim postaviti potrebne saobraćajne znakove kao što su: suženje ceste, pravo prvenstva, vrsta saobraćaja, mogući gabarit vozila itd, zavisno od konkretne

situacije. Ovaj posao iziskuje znatne troškove, te angažovanje ovlaštenih institucija za istražne radove, naročito u dijelu koji se odnosi na mostove.

2. Općinsko vijeće Zavidovići zadužuje Službu za upravu ekonomskih poslova i poduzetništva Općine Zavidovići da traži od upravitelja regionalnih cesta da prioritarno i hitno pristupi izradi projektne dokumentacije za izgradnju trotoara u naseljenim mjestima duž regionalnih cesta na dijelovima gdje regionalne ceste prolaze pored škola.

3. Općinsko vijeće Zavidovići zadužuje Službu za upravu ekonomskih poslova i poduzetništva Općine Zavidovići da traži od upravitelja regionalnih cesta da do rješavanja projektne dokumentacije i izgradnje trotoara u naseljenim mjestima duž regionalnih cesta na dijelovima gdje regionalne ceste prolaze pored škola, postave odgovarajuće posebne objekte radi smanjenja brzine kretanja vozila.

4. Općinsko vijeće Zavidovići zadužuje Službu za upravu ekonomskih poslova i poduzetništva Općine Zavidovići da o realizaciji prijedloga mjera iz Informacije o stanju regionalnih cesta na području općine Zavidovići, kao i ovog Zaključka Općinskog vijeća Zavidovići, redovno izvještava Općinsko vijeće Zavidovići.

5. Zaključak stupa na snagu danom donošenja, a o njegovoj realizaciji starat će se Služba za upravu ekonomskih poslova i poduzetništva i Služba za upravu geodetskih, imovinsko-pravnih poslova i urbanizma.

**PREDSJEDAVAJUĆA
OPĆINSKOG VIJEĆA**

(M.P.) Hadžić dr Amira, spec. radiolog, s.r.

- 9 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE



Broj: 01-05-5141/15

Datum, 29.12.2015.godine

Na osnovu člana 2.12 stav 8. Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14) i člana 25. stav 1. tačka 18. Statuta općine Zavidovići („Službeni glasnik općine Zavidovići“, broj: 05/08 i 5a/08), Općinsko vijeće Zavidovići, na 36. sjednici od 29.12.2015.godine, donijelo je

R J E Š E N J E

o imenovanju predsjednika Općinske izborne komisije

ELVIR MEHIĆ, dipl.pravnik, član Općinske izborne komisije Zavidovići, imenuje se za predsjednika Općinske izborne komisije Zavidovići.

II

Rješenje stupa na snagu po dobijanju saglasnosti Centralne izborne komisije BiH.

III

Rješenje objaviti u „Službenom glasniku općine Zavidovići“.

**PREDSJEDAVAJUĆA
OPĆINSKOG VIJEĆA**

(M.P.) Hadžić dr Amira, spec. radiolog, s.r.

II – AKTI CENTRALNE IZBORNE KOMISIJE

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO

(p r e p i s)

Broj: 06-1-07-1-102/16
Sarajevo, 06.01.2016.godine

Na osnovu člana 195. stav (1) Zakona o upravnom postupku („Službeni glasnik BiH“, br. 29/02, 12/04, 88/07 i 93/09) i člana 2.12 stav (8) Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), postupajući po zahtjevu Općinskog vijeća Zavidovići za davanje saglasnosti na akt o imenovanju predsjednika Općinske izborne komisije Zavidovići, Centralna izborna komisija Bosne i Hercegovine je na 1. sjednici, koja je održana 06.01.2016. godine, donijela

R J E Š E N J E

Daje se saglasnost na Rješenje Općinskog vijeća Zavidovići broj: 01-05-5141/15 od 29.12.2015.godine, kojim se na dužnost predsjednika Općinske izborne komisije Zavidovići imenuje član Općinske izborne komisije Zavidovići:

1. Elvir Mehić, predsjednik**O b r a z l o ž e n j e**

Općinsko vijeće Zavidovići je aktom broj: 01-05-5141/15 od 30.12.2015.godine, zatražilo od Centralne izborne komisije Bosne i Hercegovine saglasnost na Rješenje broj: 01-05-5141/15 od 29.12.2015.godine o imenovanju predsjednika Općinske izborne komisije Zavidovići, kojim se Elvir Mehić imenuje na dužnost predsjednika Općinske izborne komisije Zavidovići.

S tim u vezi, Centralna izborna komisija BiH je, na osnovu člana 2.9 stav (1) tačka 17, a u vezi člana 2.12 stav (8) Izbornog zakona BiH, odlučila kao u dispozivu ovog Rješenja.

Pravna pouka: Protiv ovog rješenja dozvoljena je žalba. Žalba se podnosi Apelacionom odjelu Suda BiH u roku od dva dana od dana prijema ovog Rješenja preko Centralne izborne komisije BiH u skladu sa članom 6.9 stav (1) i (2) Izbornog zakona BiH.

Zamjenjuje predsjednika

(M.P.) Dr. Suad Arnautović, član, s.r.

III – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK



Broj: 02-05-4857/15

Datum: 01.12.2015. godine

Na osnovu člana 42. stav 1. alineja 3. Pravilnika o unutrašnjoj organizaciji jedinstvenog Općinskog organa uprave i posebnih službi Općine Zavidovići («Službeni glasnik općine Zavidovići» broj 9/2014 i 7/2015) i člana 39. Statuta općine Zavidovići («Službeni glasnik općine Zavidovići» broj 15/2008 i 15/a/2008), Općinski načelnik Zavidovići donosi

PROCEDURU

o dostavljanju pismena Općine Zavidovići

DIO PRVI - OPĆE ODREDBE**Član 1.
(Predmet)**

Ovom Procedurom reguliše se način dostavljanja svih pismena koje nastaju u radu organa općine Zavidovići i pismena drugih organa koje je Općina Zavidovići na osnovu zakona dužna dostavljati (u daljem tekstu: pismeno), propisuje broj dnevne dostave pismena po jednom dostavljaču, određuje postupanje u slučaju većeg broja pismena koja se dostavljaju u kraćem vremenskom intervalu, i druge poslove značajna za pravilnu i pravovremenu dostavu pismena.

DIO DRUGI – VRSTE DOSTAVE I BROJ OBAVEZNE DOSTAVE PISMENA**Član 2.
(Dostava pismena)**

(1) Sva pismena koja se predaju na dostavu tokom radnog dana moraju biti dostavljena sljedeći naredni dan, osim u slučaju potrebe hitne dostave pismena kada se takva pismena dostavljaju isti dan.

(2) Pismena se dostavljaju putem dostavljača ili nadležnog poštanskog preduzeća (u daljem tekstu: pošta).

**Član 3
(dostavljanje pismena dostavljačem i poštom)**

(1) Dostavljanje pismena strankama na području urbanog dijela općine Zavidovići i dostavljanje materijala vijećnicima i članovima radnih grupa Općinskog vijeća Zavidovići vrši se isključivo putem dostavljača. Urbani dio općine Zavidovići (u daljem tekstu: urbano područje) smatra se prostor određen Odlukom o zonama („Službeni glasnik općine Zavidovići“ broj 9/2010).

(2) Dostavljanje pismena strankama izvan urbanog područja, na području drugih općina i državama vrši se putem pošte.

(3) Izuzetno od prethodnog stava dostavljanje više do 20 pismena koja su adresirana na jedno nasljeno mjesto izvan urbanog područja vrši se putem dostavljača, o čemu odlučuje i vodi računa namještenik zadužen za otpremu pošte (u daljem tekstu: namještenik za poštu).

Član 4.

(Broj obavezne dostave pismena)

(1) Broj obavezne dostave pismena dostavljača na urbanom područje iznosi 60 pismena u toku jednog dana.

(2) U slučaju dostavljanja rješenja i opomena koja se odnose na obavezu plaćanja komunalne nakanade, naknade za korištenje gradskog građevinskog zemljišta i naknade za vatrogastvo, dostavljač je obavezan izvršiti dnevnu dostavu 120 pismena.

Član 5.

(Raspoređivanje pismena i izvještavanje)

(3) Namještenik za poštu vrši zaduživanje dostavljača sa pismenima i kontrolu dnevne dostave pošte i o tome podnosi mjesečni izvještaj šefu odjeljenja za pomoćno-tehničke poslove o ispunjavanju obaveze dnevne dostave pismena, a ovaj dalje informiše pomoćnika načelnika Službe za upravu društvenih djelatnosti i opću upravu.

Član 6.

(Dostavljanje većeg broja pismena)

(1) U slučaju pojave da je u toku dana potrebno dostaviti pismena čiji broj premašuje broj pismena iz člana 4. ove Procedure i kada njihovo dostavljanje nije moguće izvršiti u skladu sa članom 2. stav 1. ove Procedure, pomoćnik načelnika Službe za upravu društvenih djelatnosti i opću upravu će u skladu sa Pravilnikom o unutrašnjoj organizaciji jedinstvenog Općinskog organa uprave i posebnih službi Općine Zavidovići naložiti drugim raspoloživim namještenicima iz ove Službe obavezu dostavljanje pošte.

(2) Kada pored angažovanja namještenika iz prethodnog stava nije moguće izvršiti dostavu pismena u skladu sa članom 2. stav 1. ove Procedure koja se odnose na obavezu plaćanja komunalne naknade, naknade za korištenje gradskog građevinskog zemljišta, naknade za vatrogastvo i sličnih pismena, te opomena za njihovo plaćanje, pomoćnik načelnika Službe za upravu društvenih djelatnosti i opću upravu je obavezan zatražiti od općinskog načelnika angažovanje ostalih namještenika iz drugih općinskih službi na poslovima dostavljanja pismena. Zahtjev za angažovanje ostalih namještenika na poslovima dostave mora biti obrazložen.

Član 7.

(Angažman namještenika na dostavljanju pismena)

(1) Općinski načelnik će naložiti namještenicima iz drugih općinskih službi da obavljaju poslove dostave pismena u skladu sa Pravilnikom o unutrašnjoj organizaciji jedinstvenog Općinskog organa uprave i posebnih službi Općine Zavidovići ukoliko ocijeni da je zahtjev iz prethodnog člana opravdan.

(2) Namještenik za poštu će zadužiti namještenike iz prethodnog stava i namještenike iz člana 6. stav 1. ove Procedure sa pismenima koje je potrebno dostaviti u skladu članom 5. ove Procedure, te tom prilikom izvršiti njihovu kraću edukaciju o pravilima dostavljanja pismena.

DIO TREĆI – ZAVRŠNE ODREDBE

Član 8.
(Nadzor)

Nadzor nad primjenom ove Procedure vrši Služba za upravu društvenih djelatnosti i opću upravu.

Ne postupanje po odredbama ove Procedure predstavlja neizvršavanje povjernih poslova i zadataka.

Član 9.
(Stupanje na snagu)

Ova Procedura stupa na snagu danom donošenja i objavit će se u «Službenom glasniku općine Zavidovići».

OPĆINSKI NAČELNIK

(M.P.) Omerašević Suad, dipl. ing. maš., s.r.

**IV – AKTI MINISTARSTVA ZDRAVSTVA
ZENIČKO-DOBOJSKOG KANTONA**

Na osnovu člana 17. stav 3. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“ broj 10/15) i člana 6. stav 1. Pravlnika o bližim uvjetima u pogledu prostora, opreme i kadra, kretirijima za osnivanje i obavljanje apotekarske djelatnosti u svim organizacionim oblicima, kao i na načinu i postupku njihove verifikacije („Službene novine Federacije Bosne i Hercegovine“ broj 44/12, 23/13 i 27/14), Ministarstvo zdravstva Zeničko-dobojskog kantona, donosi

N A R E D B U

o slobodnim lokacijama za osnivanje apoteka
na području općine Zavidovići

(1) Ovom Naredbom određuju se slobodne lokacije na području općine Zavidovići, na kojima se u 2016.godini mogu osnivati apoteke, kako slijedi:

- Naselje „Krivaja“, ulica dr Pinkasa Bandta,
- Naselje „Gvozdeni most“, ulica Zlatnih ljljana.

(2) Na lokacijama određenim ovom Naredbom može se osnovati apoteka uz prethodno pribavljenu saglasnost Ministarstva zdravstva Zeničko-dobojskog kantona, da se na toj lokaciji može osnovati apoteka.

(3) Osnivač apoteke, koji je dobio saglasnost za osnivanje apoteke na lokaciji utvrđenoj ovom Naredbom, dužan je pokrenuti postupak za osnivanje apoteke, najkasnije do 31.12.2016.godine.

(4) Ova Naredba stupa na snagu danom donošenja i objavit će se u „Službenom glasniku općine Zavidovići“.

Broj: 11-37-20551-2/15

Datum: 15.01.2016.godine

Zenica

Ministar

(M.P.)

Dr Dragoljub Brenjo, s.r.

V – AKTI SKUPŠTINE JKP „Radnik“ d.o.o. ZAVIDOVIĆI

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" broj 12/03, 34/03 i 65/13) i člana 19. Statuta JKP „Radnik“ d.o.o. Zavidovići broj: SP-29/15 od 28.10.2015. godine, (Prečišćen tekst), Skupština JKP "Radnik" d.o.o. Zavidovići na 63. (šezdesettrećoj) sjednici održanoj 30.12.2015. godine, donijela je

R J E Š E N J E**o imenovanju predsjednika i članova Nadzornog odbora Javnog komunalnog preduzeća "Radnik" d.o.o. Zavidovići**

Član 1.

Imenuju se predsjednik i članovi Nadzornog odbora Javnog komunalnog preduzeća "Radnik" d.o.o. Zavidovići u sastavu:

1. Humkić Nijaz, predsjednik
2. Hasić Alen, član
3. Halilović Amer, član

Član 2.

Ovlašćuje se direktor društva da sa predsjednikom i članovima Nadzornog odbora zaključi ugovor o angažmanu kojim će se urediti međusobna prava i obaveze u obavljanju poslova.

Član 3.

Predsjednik i članovi imaju pravo na naknadu za rad u Nadzornom odboru Javnog komunalnog preduzeća „Radnik“ d.o.o. Zavidovići, koja će se utvrditi posebnim rješenjem.

Član 4.

Ovo Rješenje stupa na snagu prvog narednog dana od dana donošenja i biti će objavljeno u "Službenom glasniku Općine Zavidovići".

JKP "Radnik" d.o.o. Zavidovići
-SKUPŠTINA-
Broj:SP-45/15
Dana, 30.12.2015.g.

PREDSJEDNIK SKUPŠTINE
JKP "Radnik" d.o.o. Zavidovići

(M.P.)

Remzo Sinanović, dipl.pravnik, s.r.

S A D R Ź A J

Strana

I – AKTI OPĆINSKOG VIJEĆA

1. ODLUKA o utvrđivanju prosječne građevinske cijene m² korisne stambene površine na području općine Zavidovići za 2016. godinu..... 1
2. ODLUKA o raspodjeli sredstava za redovan rad mjesnih zajednica u 2016. godini..... 2
3. RJEŠENJE o preuzimanju iz posjeda IP „Krivaja“ d.o.o. – u stečaju neizgrađenog gradskog građevinskog zemljišta označenog sa k.č. 1276/35 zv. “27. Udarne divizija” pov. 2879 m², upisana u P.L. 1106 k.o. Zavidovići..... 5
4. ZAKLJUČAK o usvajanju Informacije o stanju regionalnih cesta na području općine Zavidovići..... 7
5. RJEŠENJE o imenovanju predsjednika Općinske izborne komisije..... 9

II – AKTI CENTRALNE IZBORNE KOMISIJE

1. RJEŠENJE o davanju saglasnosti na imenovanje predsjednika Općinske izborne komisije..... 10

III – AKTI OPĆINSKOG NAČELNIKA

1. PROCEDURA o dostavljanju pismena Općine Zavidovići..... 11

**IV – AKTI MINISTARSTVA ZDRAVSTVA
ZENIČKO-DOBOJSKOG KANTONA**

1. NAREDBA o slobodnim lokacijama za osnivanje apoteka na području općine Zavidovići..... 14

V – AKTI SKUPŠTINE JKP „Radnik“ d.o.o. ZAVIDOVIĆI

1. RJEŠENJE o imenovanju predsjednika i članova Nadzornog odbora Javnog komunalnog preduzeća "Radnik" d.o.o. Zavidovići..... 15